



鐫五侯鯖卷之四

豫章彭儼若思甫著

宮室門

殿宮

馬希烈作九龍殿以八龍啣柱自言身是一龍
太極殿少梁忽梅木流至取用之畫梅花于梁
表端因名梅梁殿堂象東井形刻作荷菱謂
之藻井荷菱水物以厭火災 唐含元殿前
龍尾道詰曲七轉由丹鳳門北望宛然龍尾

下垂 栢梁殿災或云海中虬尾似鴟激浪
卽降雨當作此像以厭火後人遂爲鴟吻

玄宗建涼殿暑月體生寒慄 漢武置温室冬

月處之温燠 明光殿武帝以珠璣金玉爲

簾箔晝夜光明 成湯受命于鑪宮 五鳳

二年鸞鳳集長樂宮東闕木上 天梁宮梁

木至于天言高也 馭娑宮馭娑馬行疾言

馬迅速一日遍宮中也

堂

崔鄴居光德里創便室宣宗歎鄴一門友可爲

士族法因題曰德星堂 芸暉堂前有池池

有蘋楊花紅大如牡丹更有碧芙蓉芸暉香

草香潔白如玉入土不朽元載爲屑塗壁故

名 菩薩堂在成都積麥山絕頂鑿石而成

雕梁畫棟堂上一龕名天堂 審雨堂古槐

蟻穴中

室

平居曰室平室曰屠蘇 顯陽殿北有避雷室

西有禦龍室 目巧室用巧目善意作室不
由制度 洛陽有望舒涼室 含章鞠室
清暑涼室 燕昭王坐祗明室升泉昭館館常
有白鳳白鸞集其上

閣

含元殿前二閣左曰翔鸞右曰栖鳳 香閣國
忠沉香爲閣檀香爲欄屑麝乳爲泥塗壁禁
中沉香亭不侔此壯麗 牟首閣道之有室
者 石渠閣下礮石爲渠通水簫何作藏秦

圖藉成帝藏秘書

門

漢西上門曰閭闔又曰神獸門 門上環飾謂
之鋪首 青鎖門刻爲連文門在未央宮前
殿側 雷門會稽城門門多大鼓 諺音移門
冰室門 婚館門太平公主假萬年縣爲婚
館門門隘不容翟車 楚門春申君時造楚
人從入故名 青門長安東門 石牛門李
冰爲蜀守作石犀五頭以厭水一在帝橋門

故名 寒門在北極之山

樓

黃帝明堂圖有殿四面壁以茅蓋通水環宮垣

為複道上有樓名崑崙後 魏有麗譙越范

蠡有飛翼漢有井幹入漢樓在石頭城東加

累入于雲霄連堞帶于積水 紫雲樓在曲

江昆明 青樓塗以青漆 壽邊樓李德裕

作于劍南西川 婺州州南有八詠樓沈約

于闐國有七鳳樓 長安有真女樓 桂林落

星山起樓名落星樓 宋華林園景雲樓

吳山城白門樓闔閭作始皇時火災而此樓獨

存 吳有白雀樓 洛陽有伺星儀鳳翔鳳

江寧縣新亭隴有遠望樓亦名勞勞樓 多景

樓南望嵩高少室 河中府有薰風樓綠莎

廳 潤州城西有山入江三面水照有北固

樓 崔日知建望省樓以望尚書省 成都

有散花樓 田洪建書樓聚書萬卷 閔閔

明其等曰閔積其功曰閔門在左曰閔在右

曰閱 唐肆今過路亭無壁者

亭

唐王珙以寶鈿為井幹引泉激溜號自雨亭

旗亭市樓也列旂書于其上 鄞有鮎埼亭鮎

蚌埼曲岍 柯亭以竹為椽蔡邕取為笛音

絕當時 叢春亭可望洛水 三癸亭在烏

程杼山顏真卿為刺史癸年癸月癸日 迎

暉 環翠 李德裕居安邑里作精思亭計

大事入其中左右侍衛不得入 落亭郡渚

江州發源同會落亭石上有芝草下有紫磨

金 明皇詔治昆明曲江作彩霞亭令公卿

列舍堤上 冠蓋亭襄陽 上元縣城西有

白下亭 河南密縣慈亭慈急也 琅琊朱

虛有憫亭憫懼也 沛城外有揚蒹亭蒹草

多葉

臺

江陵有臺甚大衆梁皆拱此一柱 昆臺鼎湖

絕峻處 秦始皇起雲明窮極壯麗子時起

工午時畢工故名子午臺 日本東三萬里
有渠真島島上有凝霞臺臺上有手談池玉
棋子不由制度黑白自然分明 始皇過蒲
臺縈蒲以繫馬至今蒲生猶縈 武帝栢梁
臺悉以香栢香聞數十里 歌風臺在沛
魏地有銅雀 冰井 凌雲 南巡 九華
金臺 子美太白常同高適登汴梁吹臺 楚
靈作乾溪臺高百仞欲登浮雲窺天上 衛
公坐重華臺隋珠照日羅衣從風 平壽城

西北有平望臺 廣陽門北有鬪雞臺 彭
城西項羽作戲馬臺 始皇鴻臺常臺上射
鴻故名 陝州硤石東有神雀臺 晉有崇
天織室臺 武帝靈光室有通天通聖臺
嵩高山有三女臺帝見三仙玉女故名 凌雲臺
稱平衆材輕重爲之臺雖高隨風動搖終不
墮隕 平臺本師曠吹臺梁孝王大修宮室
連屬平臺因增築之史稱平臺唐稱吹臺又
因謝惠連爲雪賦名雪臺又築蠡臺 孫權

王仲鮪
作環榴臺 浣花溪海安寺南有相如琴臺
海中有金臺出水百丈結構巧麗橫光岩渚竦
曜星漢 武帝招仙臺上撞碧玉鐘掛黎懸
磬吹霜條之箎唱來雲依日之曲 羅浮朱
明洞有五百花首真道人開元間奉勅建花
首臺又有奇石一峯崛起綵綺錯爛如錦勢
若削成謂瑤石臺 吳宮中有響屨廊以榎
梓木藉地西子行則有聲 魚朝恩有洞房
四壁安琉璃板江水及萍藻魚蝦名藻洞

里宰合耦于鋤鋤里宰治處若今街彈之室漢
置街室挨一里民

公署

槐廳學士院第三廳閣子一巨槐居此閣者多
入相 紅蘭省校書所 金閨卽金馬門
籠街宰相籠街喝道 水廳祠部有此廳 瑞
錦窠祠部員外爲瑞錦窠廳前大石碎廢印
又圖寫祥瑞亦員外郎所掌有人詩云移石
幾迴敲廢印開箱何處送新圖 大棘大理

官曰大棘以其聽斷于棘樹之下 柳項橋

在尚書省可望南宮 青規內禁以青蒲規

畫地 漢建尚書百官府曰南宮取天上南

宮太微之象 虎門周師氏居漢祭酒第

芸局秘書省芸局觀與見天下之圖書 龍鳳

署儒雅之徒處龍鳳之署 未央宮有承明

殿即著作之所 青瑣謂戶邊青瑣鏤刻為

連瑣文而青塗也

寺

武帝造佛寺令蕭子雲飛白大書蕭寺今字跡

猶存李約之買歸建小室玩之名蕭齋 青

蓮宇 謝舉宅內山齋捨為寺泉石之美若

天成舉托情玄勝尤長佛理者淨名經 白

馬寺明帝以白馬馱經自西域來因以名寺

上經函長存時放光明曜于堂宇是以道俗

敬禮如仰真容 天台國清寺與齊之靈岩

荊州玉泉潤州棲霞稱四絕 崑山臨江鄉

石方徑丈常有雙白鶴飛集其上有僧作此

寺鶴從東方來有東方人來施自西來西方
 來施他方皆然 通州城中有寺每日出有
 一樹影現壁間上有鳥巢時見棲鳥故名樹
 影寺 宜壽里包信縣令段暉宅內地地下常
 有鐘鳴時見光暉掘光得金像一軀高三尺
 二并菩薩暉遂捨宅為光明寺 金山舊名浮
 玉唐有頭陀斷手建伽藍一日獲金數鎰表
 聞改名金山 隱士趙逸之晉武帝時人指
 杜子休宅曰此中朝太康寺時不信掘而得

磚數萬并石銘皆如言休遂捨宅為靈應寺

僧舍

給孤長者佛大檀越須達多長者居舍衛國常
 施孤獨故曰給孤以園八十頃盡布金請佛
 居故寺宇號寶坊又曰金田 唐王玄策使
 西域見維摩石室以手板量之縱橫十笏故
 名方丈

塔

望德寺兩塔相對高十三層忽震動開合如欲

倒者 小月氏國有塔圍三百五十步高八
 十丈謂百丈佛圖 開寶元祐間寺塔一夕
 表裏通明徹旦 至正間彰德天寧寺塔忽
 紅色自頂至踵表裏洞徹如煨鐵先是童謠
 曰塔兒紅朱衣人作主翁塔兒黑北人作主
 南為客 泗州塔影一日見於城中民家四
 顧無塔而影儼然在地 松江城中有四塔
 夏監運家在四塔之東小室內時有塔影倒
 懸西壁 南雄延祥寺有三塔其影不以陰

晴見於壁間二懸影向上一倒影宿興年見
 廳堂主有八選者 西方佛沙伏國王造塔
 用珠為網後又取珠埋西北上種菩提樹枝
 條四布密葉蔽天有四龍典掌此珠取者有
 咎 佛有五精舍給孤園靈鷲山獼猴江
 菴羅樹 竹林園

祀所

以煙祀昊天上帝以實柴祀日月星辰以禋燎
 祀司中司命風師雨伯以血祭祭社稷五祀

五嶽以狸埋沉祭山林川澤以鬪辜祭方百
物又云蒼壁禮天蒼圓也象天黃琮祭地琮
方象地祭天曰燔柴祭地曰瘞埋 皇帝祭
天居雲陽宮古之祭地澤中方丘禮如祭天
名汾葵一名葵丘 漢景廟名德陽宣帝長
壽武帝龍淵文帝顧成昭帝徘徊 又武帝
改營廟南盡荆山之木西採華山之石鑄銅
柱十二塗以黃金鏤以百物填以丹青綴以
珠玉 青城幄四合象宮室曰幄天子所張

又禮謂大次次祭時初往所止居 小次卽

更衣殿 祭天有紺帳 匏稽稽卽秸禾藁

去皮爲席祭天用之 梁時材人韓文秀見

鹿產女子收養之與常女異遂爲女冠梁武

帝別立一觀名鹿娘死入棺帝致祭但聞異

香蓋尸解也葬空棺于毗陵名葬處爲真山

王懿與慕容垂戰敗卧林澤中饑有青衣童子

進食又水潦有白狼啣仲德衣隨之獲濟後

仲德三臨徐州立白狼童子壇于廟祠必祭

王傳錄 卷四
之 施州女子浣于遯水有三節竹流至聞
中有嬰兒聲剖之得男及長才武自立爲夜
郎王以竹爲姓捐竹于地遂成林今有竹王
洞 秦穆公時掘得物不知名道逢二童子
名媪常在地食死人腦媪亦曰此二童子名
陳寶得雄者王得雌者伯因逐童子童子化爲
雉公獵果得雉至文公立祠名陳寶祠赤光
若流星若雄雌集祠前 楚王畋于震澤遇
群鹿擁至大谷中欲盡殄之忽大鹿跪王前

如人言我鹿王也今與族類盡因此谷若盡
取之我族無遺類願自今以後日獻一鹿自
是日有一鹿死獵所王崩乃止人竒其事立
鹿王廟 楚元王獵雲夢不設網罟惟取不
用命者吳侵楚萬鹿乘月黑繞吳軍若奔馬
聲吳軍驚遁楚王達吳營見鹿跡無數環之
有大白鹿叙報恩王立仁鹿廟旌其德山曰
仁鹿山谷曰仁鹿谷

宮室雜類

嵇含好善文家在亳丘號亳丘子門曰歸厚室

曰慎終 方山下有洞室名方源館幽人居之

山在茅山西初名四平山我大祖改天印山

文翁治蜀作石室名玉堂 成均五帝學名

團焦音圍標北齊書屋名 北海有康成儒林

講堂又教授有草似薤名書帶草 康成門

為通德門 孫策得道南大宅瑜與之 籩

廬傳舍 唐楊於陵教民陶瓦易蒲屋 白

蓋之屋以茅覆之 槽層巢聚薪以居 覓

填館泥飾宮室 碧疏綺疏 網戶 白間

窓以白塗之畫以方文 周軒長廊有窓者

官切切門限昭陽宮皆塗金 門牡門屈膝長

安門牡飛世將亂 金鋪扉上金花龍獸以

銜環者 棟梁焚楣虹霓回帶于焚楣 閤

閤巷門 末楠大末細楠 文槐皮連簷木

銅池承雷 木門倉琅根謂宮門銅環 牡鑰

鑰所以出鑰者禁楩短短椽也 陽馬屋四

角引出以承短椽者 檝櫺曲短梁 欂栳

樂以承拱 庫兵器所藏帑金帛所藏府文
 書所藏 咸池天潢五帝車舍也舍庫五帝
 車之庫府 魏嘉平中二魚集五庫屋 晉
 太康間二龍見武庫井中 蘭錡藏兵甲之
 所 國家帑藏曰大農 私藏曰少府 曰
 水衡 諸侯之藏曰私府 蛟水殿瓦 琉
 璃瓦曰縹瓦 雙枚重簷 重桴重棟 列
 錢金缸也金缸銜壁是為列錢 園扉獄門
 困諸齊獄 泥梨地獄

四卷終

錫五侯鯖卷之五

豫章彭儼若思著



花木門

禾黍

南海有九熟稻一歲九登 丹雀啣九穗禾食
 之老而不死 唐叔得禾異畝同穎 光武
 誕濟陽縣是歲禾生一莖九穗 白鸞啣千
 莖穗穗于空中生花實落地生根葉一歲百
 獲一莖滿車 成王時有苗異莖同一穗大

幾盈車周公云三苗一稷天下其和為一果

越裳氏重譯來 婆登國有月熟稻一月一

熟 廣有虎掌稻 紫芝稻 南方有蟬鳴

稻七月熟 青芋稻六月熟 白漢稻七月

熟 累子稻 融澤翻形稻食之死復生

明清稻延年 清腸稻一粒經年不飢 搖

枝粟無風自搖食之益髓 鳳冠粟似鳳冠

食之多力 瓊骨粟如銀令人骨輕 遊龍

粟似龍 繞明豆莖弱自相縈繞 挾劍豆

似人挾劍狀 傾畝豆見日葉覆地 雲冰

麻實冷而光可為油 紫沉麻其實不浮

通明麻食之夜行不持燭 唐時大軫國貢

碧麥表裏皆碧大如中國麥令人體輕已風

延精麥延壽益氣 昆明麥調暢六腑 輕

心麥食之體輕 醇和麥釀酒易醉冬月可

袒 含露麥穗中有甘露 燕麥似麥粒極

小味甘處處有之 玄山之禾南海之粃粃

稻屬不周之粟陽山之稌皆種之美者 唐

代宗盤屋生魯麥魯音呂自生麥也魯音呂 普
淖黍稷也普大淖和德能大和乃有黍稷
胡麻黑者曰巨勝 崑崙之墟有木禾長五
尋大五圍二月生八月熟云夫婦同種則茂
盛

花草總類

屈軼指佞 帝休不愁帝休木名出少室山葉
如楊枝五衢樹枝交錯五出如衢路黃葉黑
實 芍藥養性 臯蘇釋忿云卽萱草 青

棠合歡云卽夜合花解人忿贈之 甘棗不

惑 樹有長生 木有無患患卽櫨木能厭

鬼 將離贈芍藥芍藥一名可離名將離 相

招贈文無文無一名當歸 欲忘人憂贈丹棘

棘一名忘憂卽夜合草 欲蠲人之忿贈青

棠棠解見前 又有折柳贈行折梅寄遠

葶藶死於盛夏欵冬花于開嚴寒水極陰而有

溫泉火至陽而有涼燄棘能辟霜蓬能碎砂

花總類

石楠花生陰華山葉狀如枇杷又寧觀有四石
楠皆千歲木陰庇車百兩仙人遠君所植清
曉石楠花亂流成都水 辛夷花紫苞紅艷
如蓮花而小正二月開夏秋再開 侯桃
新雉 又南方地煖開早爲迎春北方三月
開又名木筆 山礬江南野中有一種小白
花木高四尺春開極香野人謂鄭花幽客
水仙花單葉者呼金盞銀盤心深黃有千葉
者花片捲縐密感下輕黃上淡白此真水仙

花

牛勒薔薇花又名牛棘 玉蘂花如茶蘂鬚
如冰絲上綴金粟中有玉胆餅別抽一英出
鬚上散十余蕊如玉刻然 攀枝花如綿可
治爲布出雲南永昌 茶蘂花一類三葉品
字盤曲高架青附紅萼一種色黃似酒故加
酉字 優鉢花五百年一開出西域王友雅
客蘄芷 大食國山中有花不解語人問惟
笑而已頻笑則花落 瓊花生揚州蕃塔觀

天下無雙三月間煬帝取植金陵卽枯卒帝
發回活一年而死 素馨花白出廣東劉王

女冢 杜鵑花一名山石榴山躑躅映山紅
鶴林有此花開時見二女子遊周寶謂殷七

曰重九近花可開二女曰妾爲上帝司此花
九日爛熳如春不久歸閬苑 雞冠花一名

后庭花 紫薇花一名詞客 百日紅 鳳
仙花名羽客 菱花名水客 紫陽花唐招

賢寺有山花色紫氣香樂天名之 米穀花

又名米囊花 鶯粟 夜合花一名合歡一

名合昏至昏而合今烏濃樹 小笑春日開
舊有詩云大笑何如小笑香紫花那似白花

香廣州有之 薔薇名牛棘 牛勒 刺紅山
棗 薜蔔卽梔子蜀有紅色者曾端伯呼禪

友又名林蘭越桃木丹紅素紅言花素言絮
花外曰萼花內曰蕊 唐長安唐昌觀有玉

蕊花忽年少女子從以女僕直造花所命取
花數枝而出觀者如堵須臾在半空方悟神

仙遊餘香不散累月 廬山瑞香花始緣一

比丘晝寢夢中聞花香酷烈不可名既覺尋

香求之因名睡香人奇之謂花中祥瑞因易

之 瑞香有洛白楊紅汴黃江紫花之變極

矣 廬山僧舍有麝囊花色正紫類丁香號

紫風流江南后主取數十根植移風殿賜名

蓬萊紫 又謂紫風流瑞香異名 小桃紅

一名鳳仙花一名夾竹桃俗名染指甲 款

冬花雪中開白花 鼓箏花蔓生名結縷

對花焚香有五宜木犀宜龍腦醑醑宜沉水蘭

宜四絕 含笑宜麝 薝蔔宜檀 韓熙載

有五宜說 羅虬撰花九錫 重頂帷障風

金錯刀剪折 甘泉潤 玉缸貯 雕文臺座

安置 畫眉 翻曲 美醕賞 新詩詠 此亦

惟蘭蕙梅蓮之類

牡丹

洛陽大內臨芳殿莊宗所種牡丹其名品在人

口者 百葉仙人淺紅 月宮花白 小黃嬌

雪夫人白 粉奴香白 蓬萊相公紫花

深黃 綠黃 卵心黃 御衣紅 紫龍盃 三雲紫

盤紫酥紅淺 天王子 出樣黃 火焰奴紅正

太平樓閣千葉黃 狀元紅 花王 姚黃 魏

紫 牛黃 鹿韭 鼠姑 軍容紫 左紫

袁家紫 延州紅 丹州紅 百兩金

與唐寺牡丹一株花千葉有正暈側暈紅紫黃

白色不同 楊家紅人進牡丹貴妃口脂在

手偶印花上上命栽仙春館明年花開有脂

印紅迹故帝名一捻紅 桑河子堰東孝甲

牡丹無種而生杭州觀察推官過而愛之掘

土移種得石如劍題曰此花瓊島移來種只

種人間老眼看遂不復移 九藥真珠紅

鶴頂紅 水晶毬白 鄉老值花開生日造

花下飲酒必壽若約看花三夕謝不吉

唐德宗禁中千葉牡丹有黃白蛺蝶萬數集花

上張綱得之皆金玉

芍藥

芍藥一名黑辛夷 玉盤盃 寶粧成 掬香
 瓊 腰金紫四枝正紫重跗累萼中有金蕊
 繞之 金帶圍紅瓣黃腰此花見城中富有
 宰相 唐末文人謂芍藥為婪尾春婪尾酒
 乃最後之盃殿亦得是名 沉香亭木芍朝
 紅暮黃午碧夜白 嬌客 花相 鮮倉
 可離 將離

海棠

蜀中海棠有色無香惟昌州海棠有香其木合

抱故昌州號曰海棠香 花仙賈耽花譜以
 此花為神仙 海棠花睡未足 嘉定州有
 海棠山山上皆植海棠為郡守遊宴之所海
 棠溪在州城對岸杜子美無詩以其母名海
 棠

蓮

荷花一名水旦 水芝 水花 澤芝 蓮子
 曰湖目 花曰渡雲錦低光荷水仙宮淋池
 有分枝荷一莖四葉如駢蓋日照則葉低蔭

五侯鮪 卷五
根花香十餘里食之令人口氣香實如珠可
以飾佩 夜舒荷長一丈一莖四葉夜舒晝
卷 金蓮花滄洲人研花如泥竹簡彩繪與
真金無異更有莖出花如蝶婦人采之爲首
飾諺曰不戴金蓮花不得到仙家 德宗西
內神龍寺前水渠生合歡蓮其花一莖兩房
昭帝柳池芙蓉紫色大如斗香聞十里蓮實如
珠 千葉蓮出華山頂玉池玉井服之羽化
崑流素蓮一房百子凌冬而茂 分香蓮釣

仙池種蓮歲更結實每房子十雙其花蕪桃
杏梅英郡人傳分香蓮 終南山旱藕

類葛粉餌之延年 睡蓮其花五色布葉數
重不房而蓋夜縮入水底晝復出水面

水荷周穆王時出冰壑火不能鎔王覆以膏燭
不使光透 太液池有千葉白蓮帝指貴妃
曰何如解語花 芙蓉云卽蓮花陸地曰木
芙蓉水生曰草芙蓉 會稽百葉木芙蓉鍾
陵同心木芙蓉邛州弄色木芙蓉一日白次

曰淺紅三曰黃四曰深紅落時紫色人名文

官花

菊 木槿

菊一名落繡 節花 傅公 延年 日精

更生 白花 陰蕨 朱羸 女花 女莖

剪絨 蘇桃 琅玕

白花者潁川曰迴峯 上黨曰羊歡草 河南

曰地薇蒿 菊有五美黃花高懸准大極也

純黃不雜后土色也早植晚登君子德也

露吐穎象勁直也流中輕體神仙食也

曹昊字大虛武林人好種菊一日早起見大黃

當心生一紅子漸大三日如櫻桃隣女周少

夫月下潛翫摘食之忽乘風仙去昊始悟菊

實仙家物 木槿宣尼以為朝菌詩謂舜華

或以為日及其華向晨而結逮明而布見陽

而盛日暮而殞 又名王丞 時客

蕉

美人蕉 鳳尾蕉 鉄蕉俱出廣到吳多不開

花 甘蕉如蜜四五枚可飽其味猶在齒牙
羊角蕉似羊角味甘 蕉葛出交趾其莖散如
絲績爲之 青城山叟歌芭蕉云草中一種
無倫比瑣屑蒿萊望帝尊 南海廣主與幸
姬李蟾妃微行憇青蘇氏園綠蕉林主書蕉
葉曰扇子仙蘇氏於燕處起扇子亭

南海貴瑤趙純節喜蕉軒窓館皆種之時稱蕉

迷

芝

燕脂芝句曲山有五種神芝第三名燕胎芝色
紫形如葵葉上有燕像食一株拜爲太清仙
居正一郎 飛節芝松樹三千歲皮中有聚
脂狀如龍形名此 九莖芝產甘泉宮金色
六葉珠寶夜有光又產函德銅池 螢火芝
產良常山葉似草實如豆紫花夜視有光食
七枚七孔開一枚一孔開可夜書 雙麟芝
道士伊祁玄衣帶間出藥種殿前一莖兩穗
似麟 肅宗延英殿梁上生玉芝一莖三花

親製玉靈詩 魏青龍元年產神芝三幹分
爲九枝散爲三十六莖似珊瑚狀

芝圃仙都生芝如樓闕狀 如飛鳥 如車騎

如華蓋 五指芝相州生芝長尺分七枝如

手指最上類鳳又有冠冕狀 神仙狀 真

武狀 佛狀 花每歲生一鬼曰如黃精堅

瘦滿十二歲可爲藥人吞三曰可辟谷

肉芝萬歲蟾蜍有角額下丹書八字午日取之

陰乾以其足畫地卽流水帶之身辟兵射已

箭自還

蘭

蘭名水香 燕尾香煮水療風又名香水蘭

春蘭花生葉下 崇蘭花生葉上 秋蘭難得

竹蘭 石蘭 鳳尾蘭 唐主于飲香亭賞

蘭詔苑令取滬溪美土爲馨列侯培壅之貝

都梁縣小山山上多蘭綠萼紫莖芳風藻谷俗

爲蘭爲都梁因名縣 澤蘭 雀瓢

草總類

芷香草一名澤芳又名葍楚曰離晉曰葍齊曰

蒞息雞草出虜地味美榦長馬食一本而

飽糞草名土苴麒麟草元和時煎湯飲

學士者救窮草出武當石塔山松下冬夏

不枯食之三寸不飢久之度世五味草食

之令人不眠又名却睡草睡草出桂林見

之令人睡又名醉草旗子草光啓元年河

中生此草如旌旂狀宵明草夜視如列燭

晝則無光黃精草太陽之精餌之可以長

生各一龍御草各一黃獨 兔竹 鹿竹 馬箭

鈎吻草太陰所生不可食入口立斃 蔞乘草

高五丈色如金形如半月故曰半月草無花

無實質溫柔可為布為席 紅度海中草

朱郡提郡堂狼山多毒草盛夏月飛鳥過者皆

不得去 迎涼草榦似苦竹葉細如松雖若

乾枯未常凋落掛窓戶涼風自至 龍胆草

出雲南楚雄可為酒藥 芸草置書帙去蠹

置席下治蚤虱南人名七里香自春至秋不

歌 金草廣州金芝岩出金草唐開元遣使
 求之鏗然有聲 金光草東岳夫人所居生
 此草正黃色光可鑑食之與天齊壽 躡空
 草生鳥茶國形如芥食之能行空中 蕩草
 生大颶山青華白實能益壽 榮莫草出鼓
 證山能已風 鳥酸草生鼓鐘山可治毒
 却睡草生善語國能却睡 羊刺草生高昌國
 其上生鈴味美 雲吉草種九景山二千年
 一花方朔采飼馬不飢 醒醉草生興慶池

葉紫而香醉者嗅之即醒 望舒草出扶支
 國葉如蓮葉月出則舒月沒則卷 舞草生
 雅州近之歌謳葉動如舞 屈軼草指佞人
 黃帝時有 瓦矢香草可辟蠹出撒馬現罕
 吉利草形如金釵股能解蠱毒交黃人用之
 甘露草露凝草上味如蜜可為飴 薇衛生均
 州天心山中有風不偃無風自搖 杜衡出
 天帝山香如麝蕪已瘦帶之令人便馬 龍
 芻生東海島中馬食之日行千里 蜜草出

天竺蔓生大葉秋冬不死因重霜露成蜜

半石山草名嘉榮高丈餘赤葉赤華華生穗間

服之不畏霆 合歡草魏明帝苑中一株百

條晝則衆條扶踈夜合爲一名神草 火河

草名火不能燒如火隔河 靈茅高五丈然

成灰以水灌之復成茅又名焦茅 胡繩香

草葉可爲索 宿莽經冬不凋草 蕙蕭瑞

草堯時生庖厨葉大如門不搖之自扇飲食

殺蠅蚋 乃東冬至後生五月枯名夏枯草

瓊田草令死者復生 揭車流夷 江離皆香

草 苗葉名薜蘿卽川芎 羊奚 軒于臭

草 薰香草零陵是也東方君子國薰草朝

朝生華 聞遐草服之耳聰 夢草葉如蒲

占吉凶無失 知風草出南海一節生則生

一風 鍾火山有懷夢草武帝懷之夢李夫

八女子瑤姬所化 地日草出南荒日中三

足鳥下食此草羲和馭之以手掩其目 護

門草出常山置門上人過其門則叱之 獨

活有風不動無風自搖 黃渠草映日如火
堅如金服之焚身不燒 虹草葉如車輪花

似朝虹 紅藍草臙支也 神蓬出條陽山

長十丈周人以爲宮柱名蒿宮 龍修出賈

超山卽龍須似莞而細莖倒垂可爲席 桃

朱術形細如芹花紫子在角以鏡向旁敲之

則子自發五月五日收而佩之令婦人爲夫

所愛 雀子草形如飛雀翅羽紫距無不備

亦草之奇者 照魁草一名洞冥其莖夜如

金燈折枝爲炬照見鬼物之形仙人甯封食

此草於夜明時轉見腹光通外帝令剉此草

爲泥塗雲明之館夜坐此館不加燈燭采以

藉足履水不沉 荀草狀如蚕方莖黃華赤

實本如藁本服之美顏色 神精草形一根

而百條枝間如竹節而柔軟皮如絲可爲布

卽蕪布堅蜜如冰純握之一片滿宮皆香婦

人帶之彌芬馥也 麝草形似紅而甚芳香

又龜甲香卽桂香善者紫木香一名金杜一

名麝草出蒼梧桂林 鹿活草破鹿腹出五

臟以此草塞之則起去之復倒又呼劉愷草

離合草出終南山 苜蓿草一名懷風光風

葉間常有風蕭蕭日照花有光彩又謂連枝

草 綸音開組紫絳四者皆海中草 鶴頂草

秋後結實黑房纍纍俗云木粟米可為飯

朱草漢光武時生葉開落與莫莢同 薜荔凡

草蔓生皆曰薜荔在地曰地綿在石曰石稜

石上者厚實而圓有絕大者結實上銳下平

外青中靛經霜則靛紅而甘烏鳥所啄童兒

食之謂木饅頭

蔬菜

菹爾雅曰蘆菹今訛為蘿蔔一名刀劍衣一名

紫花菘 茆一名萹菜一名水葵形似苳菜

葉大如手有肥者著手中滑不得停味美又

有一種萹菜小于苳黃赤色短長隨水深淺

名絲萹 菜中有菘最為常食性和利人無

餘逆忤今人多食似小冷而又耐霜雪其子

可作油傳頭長髮塗刀劍令不縮 蘇卽紫

蘇有白蘇實亦入藥又魚蘇名魚薺似茵陳

大葉而香吳人以煮魚又生山石間者名山

魚蘇又水蘇一名雞蘇 荏形似蘇而高大

色白研其子雜米作羹味美下氣補血又可

作油 合浦有菜名優殿以豆醬汁茹食之

味甚香美 薺味甚甘故稱其甘如薺又謂

之靡以枝葉細美也 葑一名蔓青陳楚謂

之豐齊魯謂之蕘關西謂之蕪趙魏謂之大

芥南北通有之北猶多春食苗夏食心冬食

根菜中最有益者 高河菜莖紅葉青味辛

辣五六月采之若高聲則雲霧驟至風雨卒

至蓋高河乃龍湫也出大理黔蒼山中 頗

陵西國菜名僧携子入中國訛爲波稜卽菠

菜 雞羹菜形似艾二月生宜雞羹故名

蘄州三畱山出羅漢菜 落蘇本茄子隋煬帝

餽爲昆侖紫瓜人間名爲崑味 高麗使者

來隋人求得菜種酬之甚厚名千金菜今高

苜蓿 俗號蓬為百歲羨言至貧者須百歲可

長享也 甕菜出閩中能解百毒土人呼龍

鬚菜 杜頤愛食韭僕人為一束金 又南

方韭多鬚葉短濶而圓 盤盃葱趙魏間幾

如柱杖粗但盈尺耳 葱和羨眾味若藥劑

必用甘草所以文言曰和事草又謂菜伯

王與善營度子孫不許仕宦每年火田玉乳蘿

葡壺城馬面菘可致千緡 藥性論序曰紅

莧為跛鱉之還丹 菌蕈有一種食之得乾

咲病士人戲呼為咲矣乎 鍾謨嗜菠薐菜

文其名曰雨花菜 北方桑上生白耳名桑

鶩貴有力者咸嗜之呼五鼎芝 崔遠別墅

在長安城南襖池中產巨藕貴重名襖寶又

曰玉臂龍 恨山縣有石牀旁有野薤人往

乞靈神則風偃其薤隨風偃處剪之不得過

越 佛土菜葉赤鬚紫一莖五葉 綽菜令

人思睡 合歡菜四葉相對夜合晝開 掌

中芥生末多取其子掌中吹之一吹隨長一

尺至三尺乃種于地 菜之美者有雲夢之
莖 霜蓄霜時菜名 葆旅葆菜名野生者
爲旅饑民所食 巢菜蜀菜一名漂搖草又
名野屈白 水葱生始興似鹿葱花菜婦人
妊佩其花必生男 黃獨赭魁似芋又名土
卵 土芝蹲鴟皆芋 土酥玉本皆蘿蔔雀
芋狀如雀頭置乾地則濕置濕地則乾烏觸
之墮獸遇之僵 五代宮中呼蒜爲麝香草

蔗

扶風甘蔗一丈三節見日卽消見風卽折 崑
崙有赤蔗白者名荻蔗紅蔗止可生啖芳蔗
社蔗可作霜 神宗問呂惠卿曰何草不蔗
出獨言蔗荅曰凡草種之則正生獨蔗庶出
鄒和尚跨白驢登繖山帝鹽菜薪米書寸紙繫
錢緡遣驢負至帝人知爲鄒取平值掛物于
驢遣歸一日驢犯黃氏蔗取償于鄒鄒教以
蔗作糖霜利十倍自是其法流行

苔

蔓金苔聚之如雞卵投水中蔓延波上光爍如火晉時外國所獻苔曰青膚 在瓦曰昔邪

在墻曰垣衣 在水曰水衣又曰石髮水花

水白皆萍 池星萍藻類 海藻 澤葵皆苔

水網藻生昆明池長八九尺橫側水上鳧鴨入者不得出 海間生屈龍龍生容華華生藁

藁生萍藻

菱茨

茨曰雁喙 倒生菱一名紫泥菱形莖如亂絲

一花十葉根浮水上實沉沉裡泥如紫色故名食之令人不老

菰

菰有首者名孫節 菰心中黑點名烏鬱 葭

蘆未解葉者名紫葍 席萁一名塞蘆生北

胡王建席其簾詩單于不敢南牧馬席其遍

滿天山下

藤

人子藤形紅色在蔓端有刺其子如人狀崑崙

人燒之集象南中亦不多得 酒杯藤形大
如臂葉如葛花實如梧桐花堅可以酌酒有
文章映徹可愛實大如豆蔻香美銷酒至藤
下摘花酌酒其以實醒酒國人寶之不傳中
土 五色藤花形似菱菜朝紫午綠晡黃暮
青夜赤五色迭運循州貢五色藤盤 膏藤
津汁軟滑無物能比以此墮地牽之如流卽
五六丈船數人便運 瓔珞藤形軟碧可愛
葉甚小有子纍纍然纏固其上真似瓔珞

杜芳藤形不能自立根本緣繞他木作房藤連
結如網羅然後皮理連合鬱茂成樹所托樹
旣死然後扶踈六七丈也 浮沉藤子大如

莖甌正月華十月臘月熟色赤食之甜酢

水藤山行渴時斷取汁飲之治人體有損沐則
長髮去地一丈斷之輒生根 蘭子藤生緣
樹木正二月花青色四五月熟如藜赤如雞
冠核如魚鱗生食之 狗頸藤覆地而生取
其根搥爛可藥魚俗呼魚藤 紫藤形細葉

五仙錄 卷五
長莖如竹根極堅實重重有皮花白子黑置
酒中二三十年亦不敗腐 千歲子其形有
藤蔓出土上子在根鬚綠色交加如織其子
一苞恒二百餘顆 藤果形如荔枝味酸出
南中 蟻絮藤出居風縣人視土中知穴蟻
發以木皮插其上蟻出緣如生漆謂蟻漆

木總類

強木不沉水方一寸以百斤巨石縋之終不沉
沒 無憂樹女人觸之即開 倒生樹依山

而生根在上有人觸則葉翕人去則葉舒
女香樹枝葉甚細婦人帶之其香終年不減
迷穀形如穀如楮其花四照佩之令人不迷出
招搖山 木綿樹實如酒杯皮薄中有如絲
綿者色正白破一實得綿數斤 念珠樹每
穗結珠百八枚治產難摘此珠與母食之珠
從兒手中出 生金樹出影娥池破之皮間
有屑如金而青又名青金樹 琪樹一名金
松垂條如弱柳結子如碧珠三年子乃熟每

五修魚 卷五
歲生者相續一年者綠二年者碧三年者紅
綴于條上璀璨相間 鐵樹高四五尺幹葉
皆紫黑色必遇丁卯年乃花故諺云見事難
成須鐵樹開花是也 長春樹形似桂花隨
四時之色春碧夏紅秋白冬紫節改落而復
開 長生樹形團如車蓋冬日不凋葉大如
掌花白子赤不中啖世謂西王母樹 賓潤
達祥樹也形連累相承王者嫡庶有序男女
有別則生於房 羅漢樹有雌雄雄者開花

雌者結子子細腰似葫蘆 檍枝葉可愛二
月華白子如杏官園種之取億萬之義名萬
歲樹齊謝朓詩風動萬年枝是也 膏夏大
木其理蜜白如膏 荆一名楚凡木心圓此
木心方古用夏楚楚方夏圓互相備也 白
蕤械樸也燒之其烟與他木異直上如線高
五七丈不絕 椈木小而文理者以爲什
器几案則明潔而宜漆 枹木水中所產形
葉細如檜身堅如栢惟根軟不勝刀鋸 豫

今枕木章今樟木二木生至七年枕章乃可
分別 水綿樹一名水松性好近水而皮温
厚如綿也 古度樹一名柁不華而實實從
木皮中出如綴珠璫實大如櫻桃黃即可食
過則實中化蛾飛出 蝴蝶樹高三五尺葉
皺而有稜春暮盛開山谷間有之 仙樹一
名四味木行旅得之可以止渴實如棗竹刀
剖則甘鐵刀剖則苦木刀剖則酸蘆刀剖則
辛 水仙樹腹中有水謂之仙漿飲之七日

不醒 黃葛木形如衆藤連理合爲一喜緣
崖壁生擁腫屈曲不中爲材景德觀前有古
木大數十圍盤枝柯鬱如蓋人曰此黃葛木
千年物也 綸木咸寧縣有穿州上多綸木
似殼皮可以爲綿 風聲木出西那有文事
則如琴瑟音武事如兵革音 勾芒木出梧
州皮可爲布 鐵刀木又名石鹽木 仁壽
木花可食 影木嘉州有木萬年一實似瓜
一葉百影花如列星卽瀛洲 閻浮樹須彌

山有此樹月過樹影入月中 相思樹又云

大樹即紅豆子生南方 交讓樹生黃金山

一年東榮西枯一年西榮東枯枝柯直上相

讓不妨 五子樹生潮州實如梨有五核可

治金瘡霍亂 君遷樹俗名牛奶子出廣州

罅谷陰生樹伐作昆明臺臺用俱足 平仲華

楓平櫨木平可為棋局故名枰 丹青樹出

終南又謂華蓋樹葉一青一赤 三珠樹生

赤水上樹似栢葉皆為珠 五願樹即柞木

扶蘇小木 天蘇白木 苦棟樹雖雛食其實

亦名金鈴子可浣衣二十四番花信風之終

冥靈木名出荆南以五百歲為春五百歲為秋

沙棠木出崑崙食其實不溺為舟善浮 雒常

樹出肅慎中國有聖人代立木生皮可衣周

成王時入貢 胡蘇木烟能殺百虫

松

松曰蒼官松脂淪入地千年為茯苓 千歲膠

仙藥也 松黃松花也 廬山記石門北岩即松林

有麈尾 屋遊瓦松也 西嶺有馬鬣松又
 有五粒松 嵩高山松精化為青牛伏龜食
 其實長生 方山野人見使者牽白犬伏荅
 耳 伊陽深山中松二株一號大將軍圍絹
 三疋一號小將軍圍絹一疋 滎陽郡南石
 室孤松千丈雙鶴並栖相傳夫婦隱此室化
 成雙鶴 秦昭王取華山松栢心為博箭勒
 銘于上曰昭王常與天神博於此山

栢

白於之山上多栢 千枝栢商縣南山一木千
 枝 珠子栢雁翅檜出平泉莊 乾凌栢木
 多文為菩薩雲氣人物鳥獸狀極分明得徑
 尺值萬錢 大谷倒生之栢天齊其長地等
 其久 敏山薊音計栢如荆白華赤實服之不
 寒

槐

槐守宮槐葉書聶宵炕日聶合而夜舒布 廣
 有合婚槐 吳湊為京兆尹官衙易榆種槐

及卒人指槐思之

楸

美木莖幹喬聳凌雲可愛至秋垂絲如線俗為

楸線

桐桑

知日月閏朔刺桐出泉州花先葉後五穀熟

扶桑桑甚如中國稀而色赤九十歲一生仙人

食之傳則紫色

柳

正月柳梯梯發葉也

易曰枯楊生梯 漢苑

柳狀如人名人柳一日三眠三起

移楊圓

葉弱蒂微風即大搖一名高飛 獨搖 陶

公課諸營種柳都尉夏施盜種已門侃見曰

此西門武昌柳施服罪

桂梓櫨

臯塗山有八桂樹在貢禹東即番禺八樹成柱

言其大也 招搖山多桂 木犀 閩河紫

桂實大如棗食之後天而老 杭州天竺寺

每秋月有桂子飄下 桂蠹紫色香辛有味
啖之去痰 垂拱四年三月雨桂子于台州
旬餘乃止 花名仙客仙友 梓爲木王木
莫良於梓書以梓材名篇周禮以梓人名匠
梓木爲楹居下則木鳴謂之爭位 秦文公伐
梓樹爲長安宮梓樹神化爲青牛騎者被髮
牛畏之入澧水秦因是置旄頭使先驅 子
建云斬泗濱梓以爲箏 季孫爲巴樹六檟
于蒲圃在東門之外 亳州太清宮有八檜

根枝左紐此檜不知年代李唐之盛一枝再
生宋興復有此異 又南宮有昇仙檜再生
老君煉丹所 穎州靈壇觀有再生檜

竹

篠竹箭 蕩大竹 茵簞羨竹 雲母大竹出
廣 竹曰青士 電斑雷州貢此竹 瀟碧
玉潤 澁勒 玉槩 桂竹毒傷人不可救
箭竹節間三尺堅勁中爲矢 龍鐘竹伶倫所
伐出羅浮山葉似芭蕉 篋竹堪作笛竹箏

皆有毛 簕竹宜為屋椽 蔓竹皮青內雪
 白軟韌可為索 箬竹可為舟 衛丘山舜
 林竹亦可為舟一節一舟 漢竹大者一節
 受一斛小者可為楔榼 衡州竹林生筍五
 徹梢無節目人神之名通天筍 筴竹出交
 趾勁而有毒刺虎即死 龍牙竹出永嘉人
 取之必有雷電下山即止 龍公竹出羅浮
 山第三十一峯有三十九節葉若芭蕉 天
 帚出天門山角上各一竹倒垂拂拭故名

合歡竹出九嶷山笋長獨莖及生枝葉分為兩

梢故名 僕竹出牢夷其節相去一丈 籟

音復竹結子每六年一結花不為妖 箒竹長

百丈出南荒圍三丈餘可為舟 對青竹半

邊青半邊紫二色相應可愛出成都 百葉

竹一枝百葉毒傷人又名箒竹 桃竹產錦

江心繙石上竹實如木可為杖 拂雲箒筥

如指竹杪葉細翠如帚出廬山 少室竹大

可為金甌 垂絲竹出雲南枝柔軟下垂

雌雄竹自根而上至梢一節發者為雄二節發者為雌 孤篠魯之珍有淡之孤篠止生一笋欲存母則折之笋成竹則母枯 丁香竹砍收之客至取少許煎湯其辛香如雞舌香 湯中國所無 天親竹秦維言雙竹自是一種有成林者因出三柱杖兩岐 蚱蟻竹其葉糾結如虫狀 籊音符竹死也竹六年則死

梅

朱梅 同心梅 紫蒂梅 臘支梅 麗友梅

紫花梅 花清客 清友 黃姑 臘梅 侯

梅已上皆上林苑 梅聘海棠但恨時不同

耳 綠英梅李白遊慈恩寺僧所獻 冰姿

玉骨世外佳人 頗有亭 鶴膝枝 官樣

黃 一家春 茶梅新羅多海紅似山茶而

小與梅同開落故名花御

杏

蓬萊杏花朶五色六出是尉于台所獻種上林者 文杏名文林果午橋莊有之其處立碎

玉伊魚 卷五
錦坊 高山杏民須此爲命 巴旦杏似棗
味極甜名忽鹿麻出哈烈國 德宗令中使
封馬燧子杏樹暢懼進宅爲奉誠園 分流
山多杏大如梨黃如橘名金杏又名漢帝杏

桃

積石山桃實大如十斛籠 緗桃 紫紋桃

金城桃 霜桃俱出上林 青齊種桃花開垂

絲二三尺練以松脂遞相纏織成圭履人不
識 杜陟見人桃核扇量米容一升九疑山

霜林桃冬花夏實仙種 嶗嶗山去扶桑五萬

里日所不照有桃樹十圍花青黑萬年一實

史論憇蘭若覺桃香乃僧獻桃二枚如碗僧引

論上山越澗清泉恠石有桃數百株異香

天柱崖下桃高五丈張道陵與王長趙昇試法

于此桃至今不朽 明帝宴群臣大官進櫻

桃以赤瑛盤盛之月下視之與盤同色 玄

宗紫神殿櫻桃命百官口摘之櫻桃名含桃

大而殷者曰吳櫻 黃而白者曰蠟櫻 小而

赤者曰水櫻 又名石蜜

李

李有九標香雅細淡潔密宜月夜宜綠髮浮酒
無異色 崔奉國家李肉厚無核人謂天罰
垂龍割耳滴血墮地而生 伍貫卿家一夕
奴婢見花作飛仙狀上天去花上露作雨數
千點 王華宮李連理隔澗合枝 東都嘉
慶坊李甘羨 王侍中家鼠穴中生花實皆
羨名鼠精李 陶丘李熟自離核劈李熟自

劈 青房 青綺

梨

梨曰快果 鹿梨一名兒梨山梨也 百果珍
千株雪 含消梨一名樊川 御宿大如五升
落地則破出武帝上苑 青田果 玄圃實
飢坐梨言 埽珍也 九仙殿銀

并梨二株枝葉交結宮人呼雌雄梨 洛陽

梨花開時多携酒樹下謂為梨花洗粧 鳳

棲梨陝中破石縣山中有梨一株甚偉貞觀

中鳳止此後結實益大如合掌狀赤黃色香
美他果莫及 安南出菴羅果俗名香蓋似
北梨果中極品四五月熟 潘岳張公大谷
之梨 司空圖謂梨花爲瀛洲玉雨
榴

安石榴一蒂六實晉安帝時武陵獻 石榴甜
者爲天漿若榴 丹若 千葉者名寶珠榴
有五色 石榴子大皮薄如紙味絕洛中出
南詔 衡山祝融峯下法華寺石榴花如槿

花春秋皆發 白馬寺石榴甚甜語曰白馬
甜榴一石值牛

棗

壺棗棗大而銳壺猶瓠也 細腰者爲轆轤棗
河東猗氏棗如雞子曰洗大棗 糯棗軟棗也
一名丁香柿 穀城紫棗長二寸 西王母
棗三月熟 梁國夫人棗 大白棗名蹙咨
三皇家棗 駢白棗 崎廉棗 龍骨棗 灌
棗 夕棗 陰岐黑棗長二尺百年一熟

百益紅 秦有五苑之棗足以活人 嶗嵒山
棗萬年一實竿之其膏可然燈 周文王時
有弱枝棗甚美

栗

果之美者箕山之栗 諸暨產如拳之栗 嶧
陽栗侯栗瑰栗榛栗皆上林苑 狙公賦芋
芋音栗也 栗能已疾脚弱者啖數升即起
道士與王可交天台栗食已令去忽生石上
廣州無栗惟勤州有石栗一年方熟皮厚肉少

柿

柿有七絕一壽二多陰三無鳥巢四無虫五霜
葉可玩六嘉實七落葉肥大 潘云梁侯烏
枇之柿

橘

果之美有雲夢之柚柚似橙大如橘 白橘實
大如瓜 庾亮進橘十二實共一蒂世為瑞
異 盧橘箕山之橘夏熟 李衡字叔平龍
陽洲上有千頭木奴歲得絹千匹柑橘俱名

木奴 豐城橘陳允升好道術與危金夜坐
危曰頗思豐城橘美升曰有橘船泊豐城港
須臾携取囊 明皇蓬萊宮合歡橘

柑

壺柑形如石榴 平蒂柑大如升出成都 黃
柑二十一核 宜都柑出宜都 温成皇后
好食金橘價重京師以綠豆收不變 南昌
西平里有柑枯死一歲復生結實更多

荔枝

荔枝有名桂林者皮粗味甜 中冠皮光味清
金鐘色青味佳 火山核大味甘酸 早紅類
火山五月出 狀元紅惟楓亭為多 十八
娘紅閩中王氏女好食此 將軍紅 江家
綠 陳家紫 蚶殼 龍牙屈曲無核

龍眼

龍眼一名益智 龍目 比目

葡萄

葡萄一名馬乳 水晶 草龍珠帳見僧釋

唐禁中葡萄美天后時此物垂實則幸此堂堂名普賢 龜茲國胡人奢侈家至千斛

橄欖

橄欖名南威

瓜

瓜地芝也子謂瓠龍

龍蹄

桂髓

獸掌

兔頭

羊駘

浦鴿

狸首

蜜筒

桂支長

二尺

大班

小青

烏瓜

魚瓜

女臂

瓜大如斛出涼州

青燈瓜大如三斗又名

魁瓜攬之者壽食之者仙 蜀地温良冬種

春熟秋泉瓜秋種冬熟 水芝者白瓜甘瓜

也 瓜所出遼東廬江燉煌為美 鞞鞞國

西瓜一枚二人舉之 窮隆瓜名生蓬萊四

劫方一實 遼東種瓜澆灌以酒代水實成

破十段二子者名獨子青長數寸食一顆可

作十日糧國人珍之

國

